


唐詩類苑



唐詩類苑第六十五卷

仁和卓明卿澂父編輯

華亭張之象玄超

長洲毛文蔚豹孫同校

人部

述懷

駱賓王疇昔篇一首

少年重英俠弱歲賤衣冠既託寰中賞方承膝下歡  
遨遊灞陵曲風月洛城端且知無玉饌誰肯逐金丸  
金丸玉饌盛繁華自言輕侮季倫豕五霸爭馳千里

馬三條競駕七香車掩映飛軒乘落照參差步障引  
朝霞池中舊水如懸鏡屏裏新粧不讓花意氣風雲  
倏如昨歲月春秋屢迴薄上苑頻經柳絮飛中園幾  
番梅花落當時門客今何在疇昔交遊已跡索莫教  
憔悴損容儀會得高秋雲霧廓淹留坐帝鄉無事積  
炎涼一朝披短褐六載奉長廊賦文慙昔馬執戟慕  
前揚揮戈出武帳荷筆入文昌文文隱隱皇城裏由  
來奕奕多才子潘陸詞鋒絡繹飛張曹韓苑縱橫起  
卿相未曾識皇侯寧具擬徒勞倦負薪何處逢知己  
判將渾命賦窮通從來奇舛凶任東不教永棄同芻

狗且復飄颻類轉蓬客髮年年異春花歲歲同榮親  
未盡禮徇主欲申功脂車秣馬辭鄉國縈轡西南使  
叩焚玉壘銅梁不易攀地角天涯眇難測鶯轉蟬吟  
有悲望鴻來鷹度無音息陽關積霧萬里昏劔閣連  
山千里色蜀路何悠悠岷峯阻且脩迴腸隨九折迸  
淚忽雙流寒光千里暮露氣二江秋長途看束馬平  
水且沉牛華陽舊地標神制石鏡娥眉真秀麓諸葛  
才雄已號龍公孫躍馬輕稱帝五丁卓犖多奇力四  
士英靈用文藝雲氣橫開八陣形橋影遙分七星勢  
川平烟霧開遊戲錦城隈墉高龜望出水淨鴈文迴

尋姝入酒肆訪客上琴臺不識金貂重偏惜玉山頽  
他鄉蕪上消年月帝里沈七限城闕不見猿聲助客  
啼唯聞旅思將華髮我家迢遞關山裏閑山迢遞不  
可越故園梅柳尚有餘春來忽使芳菲歇解袂欲言  
歸執袂愴多違北梁俱握手南浦共沾衣別情傷去  
蓋離念惜光耀梢卯有何託木落有南飛平陸春來  
酒慙熟相將園閣望青沂且用藤盃泛黃菊十年不  
調爲貧賤百日屢遷隨倚伏祇爲須求負郭田使我  
再十州郡祿百年鬱鬱少騰遷萬里迢迢入鏡川溪  
江沸潮衝白浪淮海長波接遠天叢竹凝朝露孤山

起暝烟賴有邊城月常伴客旌懸東南美箭稱吳會  
名都隱軫三江外塗山執玉應昌期曲水開襟重文  
會仙鎬流音鳴鶴嶺寶劍分輝落蛟瀨未看白馬對  
蘆芻且覺浮雲似車蓋江南節序多文酒屢經過共  
踏春江曲俱唱采菱歌舟移疑入鏡棹舉若乘波風  
光無限極歸櫂礙池荷眺聽烟霞正流盼卽從王事  
歸艫轉芝田花發屢徘徊金谷春明重遊衍登高南  
適噉梁叟憑軾西征想潘椽岸間華岳聳疑蓮水激  
龍門急如箭人事謝光陰俄遺霜露侵偷存七尺影  
分役九泉深窮途行泣玉憤路未藏金茹茶徒有歎

懷橘獨傷心年來歲去成銷鑠懷抱心期漸寥落佳  
冠裂冕已辭榮南畝東臯事耕鑿賓階客院常踈散  
蓬徑柴扉終寂寞自有林泉堪隱棲何必山中事丘  
壑我住青門外家臨素滻濱遙瞻丹鳳闕斜望黑龍  
津荒徯通獵騎窮巷低樵輪時有桃源客來訪竹林  
人昨夜琴聲奏悲調旭日含嘔不成笑果乘驄馬發  
鷲書復道即官稟綸誥治長非罪曾縲紲長儒然灰  
也經溺高門有閣不圖封峻筆無聞歛敷妙適離京  
兆謗還從郵府彈炎威資夏景平曲况秋翰畫地終  
難入書空自不安吹毛采可待挫尾且求食丈夫坎

塹多愁疾契闊迤邐盡今日慎罰寧憑兩造辭嚴科  
直挂三章律鄒衍街悲衝燕獄李斯抱怨拘秦格不  
應白頭頓成絲直爲黃沙暗如漆紫禁終難叫朱門  
不易排驚魂聞棄落危鬼逐輪埋霜威遙有勵雪社  
更無階含冤歛誰道飲氣独居懷忽聞驛使發關東  
傳道天波萬里通涸轍去麟先浙海幽禽釋網便翔  
空舜澤堯曦方有極讒言巧佞讜無窮誰能躅迹依  
三輔會就商山訪四翁

杜甫昔遊一首

昔謁華蓋君綠袍寬玉脚人棺已上天白日亦寂寞

暮升長岑頂巾几猶未却弟子四五人入來淚俱落  
余時遊名山騁軻在遠怒良覲遙夙願含凄向寥廓  
林昏罷幽磬竟夜伏石閣王喬下天壇微月映皓鶴  
晨溪嚮虛駛歸徑行已昨豈辭青鞋胝帳望金已藥  
東蒙赴舊隱尚憶同志樂伏事董先生於今獨蕭索  
胡爲客關塞道意久衰薄妻子亦何人丹砂負前諾  
雖悲髮變鬢未憂筋力弱杖藜望清秋有興入廬霍

杜甫昔遊一首

昔者與高李晚登單父臺寒蕪際碣石萬里風雨來  
桑柘葉如雨飛藿共徘徊清霜太澤凍禽獸有餘哀

是時倉廩實洞達寰區開猛士思滅胡將帥望三台  
君王無所惜駕馭英雄材凶燕盛用武供給亦勞哉  
吳門轉粟帛泛海陵蓬萊肉食二十萬獵射起黃埃  
隔河憶長眺青歲已摧頽不及少年日無復故人盃  
賦詩獨流涕亂世想賢財有能市駿骨莫恨少龍媒  
商山議得失蜀主脫嫌猜呂尚封國邑傳說已塩梅  
景晏楚山深水鶴去低回龐公任本性携子卧蒼苔

杜甫憶昔行一首

憶昔北尋小有洞洪河怒濤過輕舸辛勤不見華蓋  
君良岑青輝慘么麼十崖無人萬壑靜三步回頭五

唐詩類苑卷之六十五人部  
步坐秋山眼冷魂未歸僦賞心滿淚交墮弟子誰依  
白茅室廬老獨啓青銅鎖巾拂香餘搗藥塵階除灰  
死燒丹火玄圃滄洲莽空闊金節羽衣飄婀娜落日  
初霞閃餘映倏忽東西無不可松風磬水聲合時青  
兕黃熊啼向我徒然咨嗟撫遺跡至今夢想仍猶佐  
祕訣隱文須內教晚歲何功使與果更討衡陽董鍊  
師南游早鼓瀟湘柅

杜甫憶昔一首

憶昔先臯巡朔方千乘萬騎入咸陽陰山驕子汗血  
馬長驅東胡胡走藏鄴城反復不足怪閔中小兒壞

紀綱張后不樂上爲忙至今今土猶撥亂勞心焦思  
補四方我昔近侍叨奉引出兵整肅不可當爲留猛  
士守未央政使岐雍防四羗犬戎直未坐御床百官  
跣足隨天王願見比地傳介子老儒不用尚書郎

二

憶昔開元全盛日小邑猶藏萬家室稻米流脂粟米  
曰公私倉廩俱豐實九州道路無豺虎遠行不勞吉  
日出齊紈魯縞車班七男耕女桑不相失宮中聖人  
奏雲門天下朋友皆膠漆百餘年間未災變叔係禮  
樂蕭何律豈聞一絹值萬錢有田種谷今流血洛陽

唐詩類苑 卷之六十一 杜甫壯遊一首  
宮殿燒焚盡宗廟新除狐兔穴傷心不忍問耆舊復  
恐初從亂離說小臣魯鈍無所能朝廷記識蒙祿秩  
周宣中興望我皇灑血江漢長衰疾

杜甫壯遊一首

往者十四五出遊翰墨場斯文崔魏徒以我似班揚  
七齡思即壯開口詠鳳皇九齡書大字有作成一囊  
性豪業嗜酒嫉惡懷剛腸脫畧小時輩結交皆老蒼  
飲酣視八極俗物都茫茫東下姑蘇臺已具浮海航  
到今有遺恨不得窮扶桑王謝風流遠闔廬丘墓荒  
劍池石壁及長洲芰荷香差峨閭門北清廟映迴塘

每趨吳太伯撫事淚浪浪枕戈憶勾踐渡浙想秦皇  
蒸魚聞七首除道哂要章越女天下白鑑湖五月涼  
剡溪蘊秀異欲罷不能忘歸帆拂天姥中歲貢舊鄉  
氣劇屈賈壘目短曹劉墻忤下考功第獨辭京尹堂  
放蕩齋趙間裘馬頗清狂春歌叢臺上冬獵青丘旁  
呼鷹阜隄村逐獸雲雪崗射飛曾縱鞚引臂落鷺鶻  
蘇侯據鞍喜忽如携葛疆快意八九年西歸到咸陽  
許與必詞伯實遊實貴王曳裾置醴地奏賦入明光  
天子癡食召羣公會軒裳脫身無所愛痛飲信行藏  
黑貂不免弊班鬢兀稱觴杜曲晚耆舊四郊多白楊



坐深鄉黨敬日覺死生忙朱門任傾奪赤族迭罹殃  
國馬竭粟豆官鷄輸稻梁舉隅見煩費引古惜興亡  
河朔風塵起岷山行幸長兩宮各警蹕萬里遙相望  
崆峒殺氣黑少海旌旗黃禹功亦命子涿鹿親戎行  
翠華擁吳嶽螭虎噉豺狼爪牙一不中胡兵吏陸梁  
大軍載草草凋瘵蒲膏盲備員竊補衮憂憤心飛揚  
上感九廟焚下憫萬民瘡斯特伏青蒲廷諍守御床  
君辱敢愛死赫怒幸無傷聖哲體仁恕宗縣復小康  
突廟灰燼中鼻酸朝未央小臣議論絕老病客殊方  
鬱鬱苦不展羽翮困低昂秋風動哀壑碧蕙捐微芳

推避賞從漁父濯滄浪榮華敵勛業歲暮有嚴霜吾  
觀鷗夷子才格出尋常群兇逆未定側佇英俊翔

杜甫述壯年樂事一首

七月三日亭午已後較熱退晚加小涼穩睡有  
詩因論壯年樂事戲呈元二十一曹長

今茲商用事餘熱亦已末衰年旅炎方生意從此活  
亭午減汗流北鄰耐人聒晚來爽鳥匿筋力蘇摧折  
閉目踰十旬大江不止渴浪藏恨兩師健步聞旱魃  
國蔬抱金玉無以供採掇密雲雖聚散徂暑中衰歇  
前聖脊焚巫武王親救暍陰陽相主客時序遞回幹

灑落唯清秋昏霾一空闊蕭七紫塞鴈有向歎行列  
炊思紅顏日霜露凍堦闐胡馬挾彫弓鳴弦不虛發  
長鉞逐狡兕突羽當蒲月惆悵白頭吟蕭條游俠窟  
臨軒望山閣縹緲安可越高人鍊丹砂未念將朽骨  
少壯跡頗踈歡樂曾倏忽杖藜風塵際老醜難剪拂  
吾子得神僊本是池中物賤夫美一睡煩促嬰詞筆

杜甫遣興一首

蓬生非無根漂蕩隨高風天寒落萬里不復歸本叢  
客子念故宅三年門巷空悵望但烽火戎車滿關東  
生涯能幾何常在羈旅中

杜甫遣興一首

我今日夜憂諸弟各異方不知死與生何況道路長  
避寇一分散飢寒求相望豈無柴門歸欲出畏虎狼  
仰看雲中鴈禽鳥不有行

杜甫遣興一首

昔在洛陽時親友相追攀送客東郊道遨遊宿南山  
烟塵阻長河樹羽成臯間回首載酒地豈無一日還  
丈夫貴壯健慘戚非朱顏

杜甫遣興五首

朔風飄胡鴈慘澹帶砂礫長林何蕭七秋草萋更碧

北里富薰天高樓夜吟笛焉知南林客九月猶絺綌

二

長陵銳頭兒出獵待明發駢弓金瓜鎬白馬蹴微雪  
未知所馳逐但見暮光滅歸來懸兩狼門戶有旌節

三

漆有用而割膏以明自煎蘭摧白露下桂折秋風前  
府中羅襪尹沙道尚依然赫七蕭京兆今爲人所憐

四

猛虎憑其威往往遭急縛雷吼徒咆哮枝撐已在脚  
忽看皮寢處無復睛閃爍人有甚於斯足以勤元惡

五

朝聞富家葬前後皆輝光共指親戚大總麻百夫行  
送者各有死不須羨其強君看束縛去亦得歸山岡

杜甫遣興五首

蟄龍三冬卧老鶴萬里心昔昔賢俊人未遇猶視今  
嵇康不得死孔明有知音又如壠底松用舍在所尋  
大哉霜雪幹歲久爲枯林

昔者龐德公未曾入州府襄陽耆舊間處士節獨苦  
豈無濟時策終竟畏羅罟林茂鳥有歸水深魚知聚  
舉家隱鹿門劉表焉得取

唐詩類苑 卷之六十一 八部 十一

陶潛避俗翁未必能達道觀其著詩集頗亦恨枯稿  
達生豈是足默識蓋不早有子賢與愚何其掛懷抱

又

賀公雅吳語在位常清狂上疏乞骸骨黃冠歸故鄉  
爽氣不可致斯人今則亡山陰一茅宇江海日淒涼

又

吾憐孟浩然短褐即長夜賦詩何必多往往凌鮑謝  
清江空舊魚春雨餘甘蔗每望東南雲令人幾悲吒

杜甫遣興三首

下馬古戰場四顧但茫然風悲浮雲去黃葉墜我前

朽骨死螻蟻又為蔓草纏故老行歎息今人尚開邊  
漢虜五勝負封疆不常全安得廉頗將三軍同晏眠

二

高秋登塞山南望馬邑州降虜東擊胡壯健盡不番  
窮廬莽牢落上有行雲愁老弱笑道路願聞甲兵休  
鄴中事反復死人積如丘諸將已茅土載驅誰與謀

三

豐年孰云遲耳澤不在早耕田秋兩足禾黍已映道  
春苗九月交顏色同日老歡汝衡門士勿悲尚枯稿  
時來展材力先後無醜好但訝鹿皮翁忘機對芳草

唐詩類苑 卷之六十一 八部 十一

杜甫遣興二首

天川莫如龍有時繫扶桑頓轡海徒涌神人身更長  
性命苟不存英雄徒自強吞聲勿復道真宰意茫茫

又

地用莫如馬無良復誰記此日千里鳴追風可君意  
君看溼注種態與駑駘異不雜蹄齧間逍遙有能事

杜甫水宿遣興奉呈羣公一首

魯鈍仍多病逢迎遠復迷耳聾須畫字短髮不勝篔  
簹國雖勤雨炎天竟淺泥小江還積浪弱纜且長堤  
歸路非關北行舟却向西暮年漂泊恨今夕亂離啼

童稚頻書札盤飧詎糝蒸我行何到此物理直難齊  
高枕翻星月嚴城疊鼓鞞風號聞虎豹水宿伴鳧鷖  
異縣驚虛往同人惜解携蹉跎長泛鷁展轉屢聞鷄  
疑七瑚璉噐陰陰桃李蹊餘波期救涸費日苦輕齎  
杖策門欄邃肩輿羽翮低自傷耳賤役誰愍強為棲  
巨海能無釣浮雲亦有梯勳庸思樹立語默可端倪  
贈粟困應指發橋柱必題丹心老未折時訪武陵溪

杜甫遣興一首

磬折辭主人開帆駕洪濤春水滿南國朱崖雲日高  
舟子癡寢食飄風爭所操我行匪利涉謝尔從者勞

石間采蕨女鬻菜輸官曹丈夫死百役暮返空村號  
聞見事畧同刻剝及錐刀貴人豈不仁視汝如芻蕘  
索前多門戶喪亂紛嗷嗷奈何黠吏徒漁奪成逋逃  
自喜遂生理花時賞緼袍

杜甫釋悶一首

四海十年不解兵犬戎也復臨咸京失道非關出襄  
野揚鞭忽是過胡城豺狼塞路人斷絕烽火照夜屍  
縱橫天子亦應馱奔走群公固合思升平但恐誅求  
不改轍聞道孽孽能全生江邊老翁錯料事眼暗不  
見風塵清

杜甫遣悶呈路十九曹長一首

江浦雷聲喧昨夜春城雨色動微寒黃鸝並坐交愁  
濕白鷺羣飛大劇乾晚節漸於詩律細誰家數去酒  
盃寬唯君醉愛清狂客百徧相過意未闌

杜甫撥悶一首

聞道雲安趨米春纔餽一盞卽醺人乘舟取醉非誰  
事下峽銷愁定幾巡長年三老遙憐汝揜拖開頭捷  
有神已辦青錢防顙直當令美味入吾脣

杜甫遣悶一首

地闊平沙岸舟虛小洞房使塵來驛道城日閉烏墻

著雨田烝濕江風借夕涼行雲星隱見鼻浪月光茫  
螢鑑綠帷徹蛛絲罨髮長哀箏猶凭几鳴笛竟沾裳  
倚著如秦贅過逢類楚狂氣衝看劍匣頰脫撫錐囊  
妖孽關東臭兵戈隴右瘡時清疑武畧世亂踣文場  
餘力浮于海端憂問彼蒼百年從萬事故國耿難忘

王維偶然作六首

楚國有狂夫茫然無心想散髮不冠帶行歌南陌上  
孔丘與之言仁義莫能獎未嘗肯問天何事須擊壤  
復咲採薇人胡為乃長往

田舍有老翁垂白衡門裏有時農事閑斗酒呼鄰里

喧聒茅簷下或坐或復起短褐不為薄園葵固足美  
動則長子孫不曾向城市五帝與三王古來稱天子  
干戈將揖讓畢竟何者是得意苟為樂野田安足鄙  
且當放懷去行行沒餘齒日夕見太行沉吟未能去  
問君何以然世網嬰我故小妹日成長兄弟未有聚  
家貧祿既薄儲蓄非有素幾迴歎奮飛踟躕復相顧  
孫登長嘯墓松竹有遺處相去詎幾許故人在中路  
愛染日已薄禪寂日已固忽呼吾將行寧俟歲云暮  
陶潛在天真其性頗耽酒自從棄官來家貧不能有  
九月九日昔菊花空滿手中心竊自思倘有人送否

居易類集卷之六十一  
白居易詩  
七四  
白衣携壺觴果來遺老叟且喜得斟酌安問升與斗  
奮衣野田中今日嗟無負兀傲迷東西蓑笠不能守  
傾倒強行行酣歌在五柳生事不會問肯媿家中婦  
趙女彈箜篌復能邯鄲舞夫婿輕薄兒闌雞事齊主  
黃金買歌笑用錢不復數許史相經過高門盈四牡  
客舍有儒生昂藏出鄒魯讀書三十年腰下無尺組  
被服聖人教一坐自窮苦

老來嬾賦詩惟有老相隨宿世謬詞客前身應畫師  
不能捨餘習偶被世人知名字本皆是此心還不知

儲光羲同王十三維偶然作四首

仲夏日中時草木看欲焦田家惜功力把鋤來東  
皇願望浮雲陰往往誤傷苗歸來悲困極兄嫂共相  
饒無錢可沽酒何以解劬勞夜深星漢明庭宇虛寥  
寥高柳三五株可以獨逍遙

北山種松栢南山種蒺藜出入雖同趣所問各有宜  
孔丘貴仁義老氏好無為我心若虛空此道將安施  
暨過伊闕間晚叱三伏時高閣入雲中芙蓉滿清池  
要自非我寧還望南山陲

野老本貧賤冒暑鋤瓜田一畦未及終樹下高枕眠  
荷篠者誰子皤皤來息肩不復問鄉墟相見但依然



腹中無一物高話羲皇年落日臨層閣迢迢望晴川  
使婦持蚕筐呼童傍漁船悠々泛綠水去摘浦中蓮  
蓮花艷美色使我不能還浮雲在虛空隨風復卷舒  
我心方處順動作何憂虞但言嬰世網不復得閑居  
迢迢別東固超遙來西都見人乃恭敬曾不問賢愚  
雖若不能言中心亦難誣故鄉滿親戚道遠日以踈  
偶欲陳此意復無南飛鳧

薛令之自悼一首

朝日上團圞照見先生盤匕中何所有苜蓿長闌干  
飯澁匙難縮羨稀筋易寬何以謀朝夕何以保歲寒

李白謝裴侍御對雨感時見贈一首

雨色秋來寒風嚴清江爽孤高繡衣人瀟洒青霞賞  
平生多感激忠義非外獎禍連續怨生事及徂川往  
楚邦有壯士鄢郢翻掃蕩申包哭秦庭泣血將高仰  
鞭屍辱已及堂上羅宿莽頗似今之人蝨賊陷忠讜  
渺然一水隔何由稅歸鞅日夕聽猿愁懷賢盈夢想  
李白鄴中王大勸八高鳳石門山幽居一首

一身竟無託遠與孤蓬征千里失所依復將落葉并  
中途遇良朋問我將何行欲獻濟時策此心誰見明  
君王制六合海塞無交兵壯士伏草間沈憂亂縱橫

飄飄不得意，昨發南都城。  
紫燕櫪上嘶，青萍匣中鳴。  
投軀寄天下，長嘯尋豪英。  
耻學琅玕人，龍蟠事躬耕。  
富貴吾自取，建功及春榮。  
我願執尔手，尔方達我情。  
相知同一已，豈惟弟與兄。  
抱子弄白雲，琴歌發清聲。  
臨別意難盡，各希存令名。

李白東武吟一首

好古笑沈俗，素聞賢達風。  
方希佐明主，長揖辭成功。  
白日在高天，迴光燭微躬。  
恭承鳳凰詔，歛起雲蘿中。  
清切紫霄迥，優游丹禁通。  
君王賜顏色，聲價凌烟虹。  
乘輿擁妻蓋，扈從金城東。  
寶馬麗絕景，錦衣入新豐。

依巖望松雪，對酒咽絲桐。  
因學揚子雲，獻賦甘泉宮。  
天書美片善，清芬播無窮。  
一朝去金馬，飄落成飛蓬。  
賓客日踈散，玉樽亦已空。  
才力猶可倚，不慚世上雄。  
閑作東武吟，曲盡情未終。  
書此謝知己，吾尋黃綺翁。

張彪北遊還酬孟雲卿書一首

忽忽望前事，志願能相乖。  
衣馬久羸弊，誰信文與才。  
善道居貧賤，潔服蒙塵埃。  
行行无定心，墮坎難歸來。  
慈母憂疾疹，家室念哀哀。  
與君宿姻親，深見中外懷。  
候子惜時節，悵望臨高臺。

王維不遇詠一首

唐詩類苑 卷之六十五 人部 一七  
北闕獻書寢不報南山種田時不登百人會中身不  
預五侯門前心不能身投河朔飲君酒家在茂陵平  
安否且此登山復臨水莫問春風動物柳令人昨人  
多自私我心不說君應知濟人然後拂衣去肯作徒  
爾一男兒

李崇嗣獨愁一首

聞追城都酒無錢亦可求不知將幾許銷得此來愁

岑參送綿州李司馬秩滿歸京因呈李兵部

一首

久客厭江月罷官思早歸眼看春光老羞見梨花飛

劍北山君小巴南音信稀因君報兵部愁泪日沾衣

孟浩然京還贈張維一首

拂衣去何處高枕南山南款徇五斗祿其如七不堪  
早期非曷起束帶異抽簪因向智者說遊魚思舊潭

陶峴自叙一首

匡廬舊業是誰主吳越新居安此生白髮數莖歸未  
得青山一望計還成鴉翻楓葉夕陽動鷺立蘆花秋  
水明從此捨舟何所詣酒旗歌扇正相迎

孟浩然苦雨思歸贈袁左丞一首

為學三十載閉門江漢陰明敷遭聖代羈旅屬秋霖

豈有昏墊苦亦爲豪勢沉二毛催白髮百鎰罄黃金  
泪憶峴山墮愁懷湘水深謝公積憤懣莊鳥空誰吟  
躍馬非吾事狎鷗真我心寄言當路者去矣北山岑

杜甫奉贈韋左丞丈念二韻一首

紈袴不餓死儒冠多誤身丈人試靜聽賤子請具陳  
甫昔少年日早充觀國賓讀書破萬卷下筆如有神  
賦料揚雄敵詩看子建親李邕求識面王翰願卜隣  
自謂頗挺出立登要路津致君堯舜上用使風俗淳  
此意竟蕭條行歌非隱淪騎驢三十載旅食京華春  
朝扣富兒門暮隨肥馬塵殘盃與冷炙到處潛悲辛

主上頃見徵歛然欲求伸青冥却垂翅蹭蹬無蹤鱗  
甚媿丈人厚甚知丈人真每於百寮上猥誦佳句新  
竊效貢公喜難耳原憲貧焉能心快快祇是走踈屯  
今欲東入海即將西去秦尚憐終南山回首清渭濱  
常擬報一飯况懷辭大臣白鷗波浩蕩萬里誰能馴

杜甫去矣行一首

君不見韝上鷹一飽則飛掣焉能作堂上燕啣泥附  
炎熱野人曠蕩無覩顏豈可久住王侯間未試囊中  
食玉法明朝且入藍田山

岑參戲題關門一首

來亦一布衣去亦一布衣羞見關城吏還從舊路歸

郭向途中口號一首

抱玉三朝楚懷書十上秦年年洛陽陌花鳥弄婦人

杜甫樓上一首

天地空搔首頻抽白玉簪  
皇輿三極北身事五湖南  
戀闕勞肝肺論才愧杞柎  
亂離難自救終是老湘潭

杜甫江上一首

江上日多雨蕭蕭荆楚秋  
高風下木葉永夜攬貂裘  
勲業頻看鏡行藏獨倚樓  
時危思報主衰謝不能休

杜甫江漢一首

江漢思歸客乾坤一腐儒  
片雲天共遠永夜丹同孤  
落日心猶壯秋風病欲蘇  
古來存老馬不必取長途

唐詩類苑第六十五卷終

唐詩類苑 卷之六十五 人部 二十 崑山松齋周

古來各志 不必更身 崑山松齋周

唐詩類苑第六十六卷

仁和卓明卿澂父編輯

華亭張之象玄超

長州毛文蔚豹孫同校

人部

喜幸

李白流夜郎半道承恩放還兼欣尅復之美  
書懷示息秀才一首

黃口為人羅白龍乃魚服得罪豈怨天以愚陷網  
鯨鯢未剪滅豺狼屢翻覆悲作楚地囚何日秦庭哭

遭逢二明主前後兩遷逐去國愁夜郎投身竄荒谷  
半道雲屯蒙曠如鳥出籠遙欣尅復美光武安可同  
天子巡劍閣儲皇守扶風揚袂止北辰開襟攬群雄  
胡兵出月窟雷破關之東左掃因右拂旋收洛陽宮  
迴輿入咸京席捲六合通叱咤開帝業手成天地功  
大駕還長安兩日忽再中一朝讓寶位劔璽傳無窮  
媿无秋毫力誰念矍鑠翁弋者何所慕高飛仰冥鴻  
棄劔學丹砂臨鑪雙玉童寄言息夫子歲晚陟方蓬

崔湜喜入長安一首

雲日能催曉風光不借年賴逢征路盡歸在落花前

杜甫喜聞盜賊蕃寇總退口號五首

蕭關隴水入官軍青海黃河卷寒雲北極轉愁龍虎  
氣西戎休縱犬羊群

贊普多教使八秦數通和好止烟塵朝廷忽用哥舒  
將殺伐虎悲公主親

崆峒西極過崑崙駝馬由來擁國門逆氣數年吹落  
斷蕃人聞道漸星奔

勃律天西采玉河堅昆碧碗最來多舊隨漢使千堆  
寶少荅胡王萬匹羅

今春喜氣滿乾坤南北東西拱至尊大曆二年調王

唐詩類苑卷之六十八  
燭玄元皇帝聖孫

杜甫承聞河北諸道節度入朝懽喜口號絕句一十一首

祿山作逆降天誅更有思明亦已無  
洵洵人寰猶不定時時戰鬪欲何須

社稷倉生計必安蠻夷雜種錯相干  
周宣漢武今王是孝子忠臣後代看

喧喧道路多歌謠河北收軍盡入朝  
始是乾坤土室正却教江漢客魂消

北道諸公無表來茫然庶事遣人猜  
擁兵相學干戈

銳使者徒勞萬甲廻

鳴玉鏘金盡止臣脩文偃武不無人  
興王會靜妖氛氣聖壽宜過一萬春

抱病江天白首郎空山樓閣暮春光  
衣冠是日朝天子草奏何人入帝鄉

澶漫山東一百州削成如按抱青丘  
苞茅重入歸闕內王祭還供盡海頭

東逾遼水北滹沱星象風雲喜共和  
紫氣閑臨大地闊黃金臺貯俊賢多

漁陽突騎邯鄲兒酒酣並轡金鞭垂  
意氣即歸隼闕



舞雄豪復遣五陵知

李相將軍擁薊門白頭惟有赤心存竟能盡說諸侯

入知有從米天子尊

十二年來多戰場天威已息陳堂堂神靈漢代中興

主功業汾陽異姓王

張九齡初入湘中有喜一首

征鞍窮郢路歸棹入湘流望鳥唯貪疾聞猿亦罷愁

兩邊楓作岸數處橘為洲却計從來憶翻疑夢裏遊

杜甫喜達行在所三首

西憶岐陽信無人遂却迴眼穿當落日心死着寒灰

二

霧樹行相引蓮峯望或開所親驚老庾辛苦賊中來

三

愁思胡笳夕淒涼漢苑春生還今日事間道暫時人

司隸章初覩南陽氣已新喜心翻倒極嗚咽淚沾巾

死去憑誰報歸來始自憐猶瞻太白雪喜遇武功天

影靜千官秉心蘇七校前今朝漢社稷新數中興年

杜甫問官軍收河南河北一首

劍外忽傳收薊北初聞涕淚滿衣裳却看妻子愁何

在漫卷詩書喜欲狂白自放歌須縱酒青春作伴好

讀書

唐詩百首

卷之六十八 部 四 公齊惟

還鄉即從巴峽穿坐峽便下襄陽向洛陽

張說却歸在道中作一首

陳焦心息盡死意不期生何幸光華旦流人歸上京  
愁將網共解眼與代俱明復是三階正還逢四海平  
誰能定禮樂爲國着功成

張說喜度嶺一首

東漢興唐曆南河渡禹謀寧知瘡癘地生入帝皇州  
雷雨蘇虫蟄春陽放鳥鳩迴沿炎海畔登降閩山陝  
領路分中夏川源得上流見花便獨笑見草即忘憂  
自始居重譯天星已再周鄉閔絕歸夢親戚不相求

棄杖枯還植窮鱗涸更浮道消黃鶴去運磬白駒留  
江妾晨炊黍津童夜濯舟盛明良可遇莫後洛陽遊

杜甫得家書一首

去憑遊客寄來爲附家書今日知消息他鄉且舊苦  
熊兒幸無恙驥子最憐渠臨老羈孤極傷時會合踈  
二七趨帳殿一命侍鸞輿北闕妖氛滿西郊白露初  
涼風新過鴈秋雨欲生魚農事空山重眷言終荷鋤

杜甫喜聞官軍已臨賊寇一十韻

胡虜潛京縣官軍擁賊壕鼎魚猶假息穴蟻欲何逃  
帳殿羅玄冕轅門照白袍秦山當警蹕漢苑入旌旄

唐詩卷之六 六人部 上 杜少陵本  
路濕羊腸險雲橫雉尾高五原空壁壘八水散風濤  
今日看天意游魂貸爾曹乞降那更得尚詐莫徒勞  
元帥歸龍種司空握豹韜前軍蘇武節左將呂虔刀  
兵氣回飛鳥威聲沒巨鰲戈鋌開雪色弓矢向秋毫  
天步艱方盡時和運更遭誰云遺毒螫已是沃腥臊  
睿相舟墀近神行羽衛牢花門騰絕漠拓羯渡臨洮  
此輩感恩至羸俘何足操鋒先衣染血騎突劍吹毛  
喜覺都城動悲吹子女號家家賣釵釧只待獻香醪

感慨

虞世南門有車馬客行一首

陳遵重交結田蚡擅豪華曲臺臨上路高軒抵狹斜  
赭汗千金馬繡軸五香車白鶴隨飛蓋朱鷺入鳴笳  
夏蓮別劍水春桃綴綵花高談辯飛兕擲藻握靈蛇  
逢恩出羽毛失路委泥沙曖曖風烟晚路長歸騎遠  
日長青瑣第塵飛金谷苑危絃促柱奏巴渝  
遺簪墮珥解羅襦如何守直道翻使谷名愚  
張九齡照鏡見白髮絕句一首

李白門有車馬客行一首

宿昔青雲志蹉跎白髮年誰知明鏡裏形影自相憐  
門有車馬賓金鞍曜朱輪謂從丹霄落乃是故鄉親

呼兒掃中堂坐客論悲辛對酒兩不飲停觴泪盈巾  
嘆我萬里遊飄七三十春空談帝王畧紫綬不挂身  
雄劍藏玉匣陰符生素塵廓落無所合流離湘水濱  
借問宗黨間多爲泉下人生苦有戰役死託萬鬼隣  
北風揚胡沙埋翳周與秦大運且如此蒼穹寧匪仁  
惻愴竟何道存亡任大鈞

李白君子有所思行一首

紫閣連終南青冢天倪色憑崖望咸陽宮闕羅北極  
萬井驚畫出九衢如絃直渭水清銀河橫天流不息  
朝野盛文物衣冠何翕施旆馬散連山軍容威絕域

伊臯運元化衛霍輸筋力訶鍾樂未休榮去老還逼  
圓光過浦缺太陽移中昃不散東海金何曾西飛匿  
無作牛山悲惻愴泪沾臆

刘希夷白頭吟一首

洛陽城東桃李花飛來飛去落誰家洛陽女兒惜顏  
色行逢落花長歎息今年花落顏色改明年花開復  
誰在已見松柏摧爲薪更聞桑田變成海古人無復  
洛城東今人還對落花風年年歲七花相似歲七年  
七人不同寄言全盛紅顏子須憐半死白頭翁此翁  
白頭真可憐伊昔紅顏美少年公子王孫芳樹下清

歌妙舞落茲前光祿池臺文錦繡將軍樓閣盡神僊  
一朝卧病無知己三春行樂在佳邊宛轉蛾眉能幾  
時須史鶴髮亂如絲但看古來歌舞地唯有黃昏鳥  
雀悲

李白白頭吟一首

錦水東北流波蕩雙鴛鴦雄巢漢宮樹雌弄秦草芳  
寧同萬死碎綺翼不忍雲間兩分張此時阿嬌正嬌  
妬獨坐長門愁日暮但願君恩顧妾深豈惜黃金買  
辭賦相如作賦得黃金丈夫好新多異心一朝將聘  
茂陵女文君因贈白頭吟東流不作西歸水落花辭

條羞故林兎絲固無情隨風任傾倒誰使女蘿枝而  
來強榮抱兩草猶一心人心不如草莫卷龍鬚席從  
他生網絲且留虎珀枕或有夢來時覆水再收豈滿  
杯棄妾已去難重回古時得意不相負祇今唯見青  
陵臺

錦水東流碧波蕩雙鴛鴦雄巢漢宮樹雌弄秦草芳  
相如去蜀謁武帝赤車駟馬生輝光一朝用覽大人  
作萬乘忽欲凌雲翔聞道阿嬌失恩寵千金買賦要  
君王相如不憶貧賤日位高金多聘私室茂陵妹子  
皆見求文君歡愛從此畢泪如隻泉水行墮紫羅襟

五起鷄三唱清晨白頭吟長吁不整綠雲髮仰訴青天哀怨深城崩和梁妻誰道士無心東流不作可歸水落花辭枝羞故林頭上下燕釵是妾嫁時物贈君表相思羅袖幸時拂莫卷龍鬚席從他生網絲且嚼琥珀枕還有夢來昔鸚鵡裘在錦屏上自君一挂無由披妾有奉樓鏡照心勝照井願持照新人雙對可憐影覆水却收不滿盃相如還謝文君回古未得意不相負祇今惟有青陵臺

王昌齡悲哉行一首

忽聽白頭吟人間易憂怨若非滄浪子安得從所願

北上太行山臨風闕吹恨飛雲數千里倏忽深膚寸  
觀其微滅時精意莫能論百年不容息是處生草蔓  
始悟海上人辭君未飛遁

孟雲卿悲哉行一首

孤兒去慈親遠客喪主人莫吟苦辛曲此曲誰忍聞  
可聞不可說去去無期別行人念前程不待參辰沒  
朝亦恒苦飢暮亦恒苦飢飄飄萬餘里貧賤多是非  
少年莫遠遊遠遊多不歸

杜甫偏側行一首

偏側何偏側我居巷南子巷北可恨隣里間十日不

一見顏色自從官馬送還官行路難行遊如棘我貧  
無乘非無足昔者相遇今不得實不是愛微軀又非  
閑足無力徒步翻愁官長怒此心炯炯君應識曉來  
急雨春風顛睡起不聞鐘鼓傳東家蹇驢許借我泥  
滑不敢騎朝天已令請急會通籍男兒性命絕可憐  
焉能終日心拳匕憶君講詩神凜然辛夷始花亦已  
落况我與子非壯年街頭酒價常苦貴方外酒徒稀  
醉眠速宜相就飲一斟恰有三伯青銅錢

杜甫莫相凝行一首

男兒生無所成頭皓白牙齒欲落真可惜憶獻三賦

蓬萊宮自怪一日聲輝赫集賢學士如堵墻觀我落  
筆中書堂往往文彩動人主此日飢寒趨路傍晚將  
未契許年少當面輸心背面笑寄謝悠七世上兒不  
爭好惡莫相疑

李白臨路歌一首

大鵬飛兮振八裔中天摧兮力不濟餘風激兮萬世  
游扶桑兮桂石袂後人得之傳此仲尼亡兮誰為出  
涕

杜甫哀江頭一首

少陵野老吞聲哭春日潛行曲江曲江頭宮殿鎖千

唐言卷之六 八人部  
門細柳新蒲為誰綠憶借霓裳下南苑苑中萬物生  
顏色昭陽殿裏第一人同輦隨君侍君側輦前才人  
帶弓箭白馬嚼齒黃金勒翻身向天仰射雲一箭正  
墜雙飛翼明眸皓齒今何在血污遊魂歸不得清渭  
東流劔閣深去住彼此無消息人生有情淚沾臆江  
水江花豈終極黃昏胡騎塵滿城欲往城南忘南北

杜甫可歎一首

天上浮雲如白衣斯須改變如蒼狗古往今來共一  
時人生萬事無不有近者抉眼去其夫河東女兒身  
姓柳丈夫正色動引經鄴城客子王季友羣書萬卷

常暗誦孝經一通看在手貧窮老庾家賣殺好事就  
之為携酒豫章太守高帝孫引為賓客敬頗久聞道  
三年未會語小心恐懼閉其口太守得之更不疑人  
生反覆看亦醜明月無瑕豈容易紫氣鬱七猶衝斗  
特危可仗真豪俊二人得置君側否太守頃者在南  
山邦人思之比父母王生早曾拜顏色高山之外背  
培塿用為羲和天為成用平水土地為厚王也論道  
阻江湖李也疑丞曠前後死為星辰終不滅致君堯  
舜焉肯朽吾輩碌碌飽飯行風后力牧長回首

岑參江上春歎一首



唐詩卷之六十六人部十一 杜齋周本  
臘月江上暖南橋新柳枝春風觸處到憶得故園時  
終日不如意出門何所之從人覓顏色自笑弱男兒

杜甫有歎一首

壯心又零落白頭寄人間天下兵常聞山東客未還  
窮猿號雨雪老馬望關山武德開元際蒼生豈重攀

杜甫遣懷一首

愁眼看霜露寒城菊自花天風隨斷柳客淚墮清笳  
水淨樓陰直山昏塞日斜夜來歸鳥盡啼殺後棲鴉

杜甫遣興一首

十戈猶未定弟妹各何之拭淚沾襟血梳頭滿面絲

地卑荒野大天遠暮江渥衰疾那能久應無見汝期

杜甫解悶七首

一辭故國十經秋每見秋瓜憶故丘今日南湖采微

蕨何人爲覓鄭瓜州

先帝貴妃俱寂寞荔枝還復入長安炎方每續朱櫻  
獻玉座應悲白露團

憶過瀘戎摘荔枝青楓隱映石逶迤京華應見無顏  
色紅顆酸甜只自知

翠爪碧李沉玉鬣赤黎蒲萄寒露成可憐先不異枝  
蔓此物娟娟長遠生

唐詩類苑 卷之六 十一  
側生野岸及江蒲不熟丹宮滿玉壺雲壑布衣鮐背  
死勞生重馬翠眉頰

草閣柴扉星散居浪翻江黑雨飛初山禽引子哺紅  
果溪友得錢留白魚

商胡離別下揚州憶上西陵故驛樓為問淮南米貴  
賤老夫乘興欲東流

杜甫悶一首

瘴癘浮二蜀風雲暗百蠻卷簾唯白水隱几亦青山  
猿捷長難見鷗輕故不還無錢從滯客有鏡巧催顏

杜甫戲作俳諧體遣悶二首

異俗吁可怪斯人難並居家七養烏鬼頓七食黃魚  
舊識難為態新知已暗踈治生且耕鑿只有不關渠

又

西歷青羗坂南留白帝城於菟侵客恨秬粧作人情  
瓦卜傳人語畚田費火聲是非何處定高枕笑平生

杜甫百憂集行一首

憶惜十五心尚孩健如黃犢走復來庭前八月梨棗  
熟一日上樹能千迴即今倏忽已五十坐卧只多少  
行立強將咲語供主人悲見生涯百憂集入門依舊  
四壁空老妻覩我顏色同癡兒未知父子禮呼怒索

唐詩卷之六十六人部  
飯啼門東

杜甫遺憂一首

亂離知又甚消息苦難真受諫無今日臨危憶古人  
紛紛乘白馬壤壤看黃金隋氏留宮室焚燒何太頻  
崔顥江畔老人愁一首

江南年少十八九乘舟欲渡青溪口青溪口邊一老  
翁鬢眉皓白已衰朽自言家代仕梁陳垂朱拖紫三  
十人兩朝出將復入相五世疊鼓乘朱輪父兄三葉  
皆尚主子女四代爲妃嬪南山賜田接御苑北宮甲  
第連紫宸直言榮華未休歇不覺山崩海將竭兵戈

亂入建康城烟火連燒未與關衣冠士子陷鋒刃良  
將名臣盡埋沒山川改易失市朝衢路縱橫填白骨  
老人此皆尚少年脫身走得投海邊罷兵歲餘未敢  
出去鄉三載方來旋蓬蒿忘却五城宅草木不識青  
溪田雖然得歸到鄉土零丁貧賤長辛苦採樵屢入  
廬陽山刈稻常過新林浦少年欲知老人歲豈知今  
年一百五君今少壯我已衰我昔少年君不睹人生  
貴賤各有時莫見羸老小輕欺感君相問爲君說說  
罷不覺令人悲

杜甫復愁十二首

人烟生處僻虎跡過新蹄野鶻翻窺草村船逆上溪  
二

釣艇收網盡昏鴉接翅稀月生初學扇雲細不成衣  
三

萬國常防寇故園今若何昔歸相識少早已戰場多  
四

身覺省郎在家須農事歸年深花草徑老恐失柴扉  
五

金絲鏤箭鏃阜尾掣旗竿一自風塵起猶嗟行路難  
六

貞觀銅牙弩開元錦獸張花門小箭好此物棄沙場  
七

胡虜何曾盛干戈不肯休閭閻聽小子談笑覓封侯  
八

今日翔麟馬先宜駕鼓車無勞問河北諸將各榮華  
九

任轉江淮粟休添苑囿兵由来貔虎士不滿鳳凰城  
十

江上亦秋色火雲終不移巫山猶錦樹南國且黃鸝  
十一

唐詩類苑卷之六十一 人部 十一  
每恨陶彭澤无錢對菊花如今九日至自覺酒須賒  
十二

病減詩仍拙吟多意有餘莫看江摠老猶被賞時魚

杜甫散愁一首

久客宜旋旆興王未息戈蜀星陰見少江雨夜聞多  
百萬傳深入寔區望匪他司徒下燕趙收取舊山河  
又

聞道并州鎮尚書訓士齊幾時通薊北當日報關西  
戀闕丹心破霑衣皓首啼老魂招不得歸路恐長迷

杜甫遣愁一首

養拙蓬為戶茫茫何所開江通神女館地隔望鄉臺  
漸惜容顏老無由弟妹來兵戈與人事回首一悲哀

杜甫愁坐一首

高齋常見野愁坐更臨門十月山寒重孤城水氣昏  
葭菼氏種迥左檐犬戎屯終日憂奔走歸期未敢論

杜甫愁一首

江草日七喚愁生巫峽冷七非世情盤渦鷺浴底心  
性獨樹花發自分明十年戎馬暗南國異域賓客老  
孤城渭水秦山得見否人今罷病虎縱橫

李白秋日鍊藥院鑷白髮贈元六兄林宗一

木落識歲秋，瓶冰知天寒。桂枝日已綠，拂雪凌雲端。  
 弱齡接芳景，矯翼攀鴻鸞。投分三十載，榮枯同所懽。  
 長吁望青雲，緝白生相着。秋顏入曉鏡，壯髮凋危冠。  
 窮與鮑生賈，饑從漂母餐。時來極天人，道在豈吟嘆。  
 樂毅豈滴趙，蘇秦初說韓。卷舒固在我，何事空摧殘。  
 岑參 歎白髮一首

我年一何長，髮髮日已白。俛仰天地間，能為幾時客。  
 惆悵故山雲，徘徊空日夕。何事與時人，東城復南陌。

杜甫 垂白一首

垂白馮唐老，清秋宋玉悲。江喧長沙睡，樓迥獨移時。  
 多進身何補，無家病不辭。耳從千日醉，未許七哀詩。

李崇嗣 覽鏡一首

歲去紅顏盡，愁來白髮新。今朝開鏡匣，疑是別逢人。

徐九臯 途中覽鏡一首

四海游長倦，百年愁半侵。賴窺明鏡裏，時見丈夫心。

薛稷 秋朝覽鏡一首

客心驚落木，夜坐聽秋風。朝日看容鬢，生涯在鏡中。

李白 覽鏡書懷一首

得道無古今，失道還衰老。自笑鏡中人，白髮如霜草。

唐言委及... 卷之六十八... 捫心空嘆息問影何枯槁桃李竟不言終成南山皓  
杜甫覽鏡呈栢中丞一首

渭水流闕內終南在日邊  
膽銷豺虎窟淚入犬羊天  
起晚甚從事行遲更覺僊  
鏡中衰謝色萬一故人憐  
杜甫倚杖一首

看花維郭外倚杖即溪邊  
山縣早休市江橋春聚船  
狎鷗輕白浪歸鴈喜青天  
物色蕪生意淒涼憶去年

杜甫囊一首

翠栢苦猶食明霞高可飡  
世人共鹵莽吾道屬艱難  
不與井晨凍無衣牀夜寒  
壺空恐差澁留得一錢看

杜甫寓目一首

一縣蒲萄熟秋山苜蓿多  
閑雲常帶雨塞水不成河  
羌女輕烽燧胡兒制駱駝  
自傷遲暮恨喪亂飽經過

杜甫獨立一首

空外一鷺鳥河間雙白鷗  
飄飄搏擊便容易往來遊  
草露亦多溫蛛絲仍未收  
天機近人事獨立萬端憂

杜甫覽物一首

曾爲掾吏趨三輔  
墮在潼關詩興多  
巫峽忽如瞻華嶽  
蜀江猶似見黃河  
舟中得病移衾枕  
洞口經春長薜蘿  
形勝有餘風土惡  
幾時回首一長歌

蘇頲新昌小園一首

先是新昌小園期京兆尹一訪兼郎官數子自  
頃沉疴年復一年茲願不果率然成章

獨好中林隱先期上月春閒花傍戶落喧鳥逼簷馴  
寂寞東坡叟傳呼北里人在山琴易調開甕酒歸醇  
佇望蔗三接彌留忽幾旬不疑丹火變空負綠條新  
聞蟻聞常日歌龍值北辰其如衆君子嘉會阻清塵  
常建客有自燕而歸哀其老而贈之一首

羸馬朝自燕一身爲二連憶親拜孤塚移葬夔陵前  
幽願從此畢劔心因獲全孟冬寒氣盛撫轡告言旋

碣石海北門餘寇惟朝鮮離離一寒騎嫋嫋馳白天  
生別皆自取况爲士率先寸心漁湯興落日旌竿懸

李白經亂後將避地剡中留贈崔宣城一首

雙鵝飛洛陽五馬渡江激何意上東門胡雛更長嘯  
中原走豺虎烈火焚宗廟太白晝經天顏湯掩餘照  
王城皆蕩覆世路成奔峭四海望長安嘖眉寡哂笑  
蒼生疑落葉白骨空相吊連兵似雲山被敵誰能料  
我垂北溟翼且學南山豹崔子賢主人歡娛每相召  
胡床紫玉笛却坐青雲屺楊花蒲州城置酒同臨眺  
忽思剡溪去水石遠清妙雪晝天地明風開湖山貌



唐詩卷之六十一  
閔爲洛生誅醉發吳越調赤霞動金光日足生海嶠  
獨散萬古意閒垂一溪釣猿近天上啼人移月帶棹  
無以墨綬苦米求丹砂要華髮長折腰將貽陶公誚

孟雲卿傷昔二首

太空流素月三五何明明光耀侵白日賢愚迷至精  
四時更變化天道有虧盈常恐今夜沒須臾還復生

又

徘徊宋郊上不見平生親獨立正傷心悲風來孟津  
大方載群物生死有常倫虎豹不相食哀哉人食人  
豈伊逢世運天道亮云云

孟雲卿傷懷贈故人一首

稍稍晨鳥翔淅七草上霜人生早罹苦壽命恐不長  
二十學已成三十名不彰豈無同門友貴賤易中腸  
驅馬行萬里悠悠過帝鄉幸因絃歌末得上君子堂  
衆樂五宣奏獨予備笙簧坐中无知音安得神揚七  
願因高風起上感白日光

李白幽歌行上新平長史兄粲一首

幽谷稍稍振庭柯涇水浩浩揚湍波哀鴻酸嘶暮聲  
急愁雲蒼慘寒氣多憶昨去家此爲客荷花初紅柳  
條碧中宵出飲三百杯明朝歸揖二千石寧知流寓

長言卷之六 六人部 二 杜齋周本  
變光輝胡霜蕭颯繞客衣寒灰寂莫憑誰煖落葉飄  
揚何處歸五兄行樂窮隳旭滿堂有美顏如玉趙女  
長歌入彩雲燕姬醉舞嬌紅燭孤裘獸炭酌流霞壯  
士悲吟寧見嗟前榮後枯相翻覆何惜流光及秋華

鮑防雜感一首

漢家海內承平久萬國戎王皆稽首天馬嘗嘶首藉  
花胡人歲獻葡萄酒九月荔枝初破顏朝辭象郡夕  
函關鴈飛不度桂陽嶺馬走先過林邑山甘泉御果  
垂僊閣日暮無風香自落遠物皆重近皆輕鷄雖有  
德不如鶴

王季友代賀若令譽贈沈千運一首

相逢問姓名亦存別時無子今有孫山上雙松長不  
改百家唯有三家村村南村西車馬道一宿通舟水  
浩浩澗中磊磊十里石河上淤泥種桑麥平坡塚墓  
皆我親滿田主人是舊客與聲酸鼻問同年十人七  
人歸下泉分手如何更此地回頭不去淚潸然

王維送岐州源長史歸一首

握手二相送心悲安可論秋風正蕭索客散孟常門  
故驛通槐里長亭下槿原征西舊旌節從此向河源  
杜甫出金光門悲往事一首

此道昔歸順西郊胡正煩至今猶破膽應有未招魂  
近得歸京邑移官豈至尊無才日衰老駐馬望千門

王維口號示裴迪一首

萬戶傷心生野烟百官何日更朝天秋槐葉落空宮  
裏凝碧池頭奏管絃

王維口號又示裴迪一首

安得捨塵網拂衣辭世喧悠然策藜杖歸回桃花源

韓滉聽樂悵然自述一首

萬事傷心對管絃一身含淚向春煙黃金用盡教歌  
舞留與他人樂少年

杜甫投簡梓州幕府兼簡韋十郎一首水

幕下即官安穩無從來不奉一行書因知貧病人須  
棄能使韋郎跡也踈

唐詩類苑第六十六卷終

唐詩類苑第六十七卷

仁和卓明卿澂父編輯

華亭張之象玄超

長洲毛文蔚豹孫同校

人部

時事

岑參阻戎瀘間郡盜一首

南州林莽深亡命聚其間殺人無昏曉屍積填沅灣  
餓虎銜髑髏飢鳥啄心肝腥衰灘草死血流江水殷  
夜雨風蕭蕭鬼哭連楚山三江行人絕萬里無征船

唐詩類苑 卷之六十一 八部  
唯有白鳥飛空見秋月圓  
罷官自南蜀假道來茲川  
瞻望陽臺雲惆悵不敢前  
帝鄉北近日瀘口南連蠻  
何當遇長房縮地到京闕  
願得隨琴高騎魚向雲烟  
明主每憂人節使恒在邊  
兵革方禦寇爾惡胡不悛  
吾竊悲爾徒此生安得全

杜甫新安吏一首

客行新安道喧呼聞點兵  
借問新安吏縣小更無丁  
府帖昨夜下次選中男行  
中男絕短小何以守王城  
肥男有母送瘦男獨伶俜  
白水暮東流青山猶哭聲  
莫自使眼枯收汝淚縱橫  
眼枯却見骨天地終無情

我軍取相州日夕望其平  
豈意賊難料歸軍星散營  
就粮近故壘練卒依舊京  
掘壕不到水牧馬役亦輕  
况乃王師順撫養甚分明  
送行勿泣血僕射如父兄

杜甫潼關史一首

士卒何草七築城潼關道  
大城鐵不如小城萬丈餘  
借問潼關吏修關還備胡  
要我下馬行爲我指山隅  
連雲列戰格飛鳥不能踰  
胡來但自守豈復憂西都  
丈人視要處窄狹容單車  
難七奮長戟千古用一夫  
哀哉桃林戰百萬化爲魚  
請囑防閑將慎勿學哥舒

杜甫石壕吏一首

暮投石壕村有吏夜捉人老翁踰墻走老婦出門看  
吏呼一何怒婦啼一何苦聽婦前致詞三男鄴城戍  
一男附書至二男新戰死存者且偷生死者長已矣  
室中更無人所有乳下孫上有母未去出入無完裙  
老嫗力雖衰請從吏夜歸急應河陽役猶得備晨炊  
夜久語聲絕如聞泣幽咽天明登前途獨與老翁別

杜甫垂老別一首

四郊未寧靜垂老不得安子孫陣亡盡焉用身獨完  
投杖出門去同行爲辛酸幸有牙齒存所非骨髓乾  
男兒旣介胄長揖別上官老妻卧路啼歲暮衣裳單

孰知是死別且復傷其寒此去必不歸還聞勸加餐  
土門壁甚堅杏園度亦難勢異鄴城下縱死時猶寬  
人生有離合豈擇衰盛端惜昔少壯日遲迴竟長歎  
萬國盡征戍烽火被岡巒積死草木腥流血川原丹  
何鄉爲樂土安敢尚盤桓棄絕蓬宰居場然摧肺肝

杜甫無家別一首

寂寞天寶後園廬但蒿藜我里百餘家世亂各東西  
存者無消息死者爲塵泥賤子因陞敗歸來尋舊蹊  
久行見空巷日搜氣慘悽但對狐與狸豎毛怒我啼  
四隣何所有一二老寡妻宿鳥戀本枝安辭且窮棲

唐詩類苑 卷之六十一 七言古詩 三 杜甫留花門一首  
方春獨荷鋤日暮還灌畦縣吏知我至召令習鼓鞞  
雖從本州役內願無所携近行止一身遠去終轉迷  
家鄉既盪盡遠近理亦齊永痛長病母五年委溝谿  
生我不得力終身兩酸嘶人生無家別何以爲蒸黎

杜甫留花門一首

北門天驕子飽肉氣勇決高秋馬肥健挾矢射漢月  
自古以爲患詩人厭薄伐脩德使其來羈縻固不絕  
胡爲傾國卒出入指金闕中原有驅除億恐日此物  
公王歌黃鵠君王指白日連雲屯左輔白里見積雪  
長戟鳥休飛京笳曉幽咽田家最恐懼麥倒桑技折

沙苑臨清渭泉香草豐潔渡河不用船千騎常撒烈  
胡塵踰太行雜種抵京室花門既須留原野轉蕭瑟

杜甫塞蘆子一首

五城何迢迢迢迢隔河水邊兵盡東征城內空荆杞  
思明割懷衛秀巖西未已迴畧大荒耒嶠函蓋虛爾  
延州秦北戶關防猶可倚焉得一萬人疾驅塞蘆子  
岐有薛大夫旁制山賊起近聞昆戎徒爲退二百里  
蘆閔扼兩寇深意實在此誰能叫帝閣胡行速如鬼

杜甫往在一首

往在西京時胡來滿彤宮中宵焚九廟雲漢爲之紅

唐詩類苑 卷之六十一  
鮮瓦飛千里，總帷紛曾空。疾心惜本主，一一灰悲風。  
合昏非鐵騎，清旭散錦驂。賊臣表逆節，相賀以成功。  
是時妃嬪戮，連為糞土叢。當宁陷王座，白間剥毒蟲。  
不知二聖處，私泣白歲翁。車駕既云還，楹角歛穹崇。  
故老復涕泗，祠官樹椅桐。安壯不如初，已見帝力雄。  
前春禮郊廟，祀事親聖躬。微軀忝近臣，景從陪詳公。  
登階捧玉冊，峨冕聆金鍾。侍祠愿先露，掖垣邇濯龍。  
天子惟孝孫，五雲起九重。鏡奩換粉黛，翠羽猶葱籠。  
前者厭羯胡，後未遭犬戎。俎豆腐膾肉，罟魚行角弓。  
安得自西極，申命空山東。盡驅詣闕下，士庶塞關中。

主將曉逆順，元元歸始終。一朝自罪已，萬里車書通。  
鋒鏑供鋤犁，征伐聽所從。冗官各復業，土著還力農。  
君臣節儉足，朝野懽呼同。中興似國初，繼體如太宗。  
端拱納諫諍，和風日冲融。赤墀櫻桃枝，隱映銀絲籠。  
千春薦陵寢，永永垂無窮。京都不再火，涇渭開秋容。  
歸號故松柏，老去若飄蓬。

杜甫同元使春陵行一首

遭亂髮盡白，轉衰病相嬰。沉綿盜賊際，狼狽江漢行。  
歎時藥力薄，為客羸瘵成。吾人詩家秀，博采世上名。  
祭七元道州前聖，畏後生觀乎春陵。作歛見俊哲，情



復覽賊退篇結也實國禎賞誼昔流慟匡衡常引經  
道州憂黎庶詞氣浩縱橫兩章對秋月一字指華星  
致君唐虞際純朴憶大庭何時降璽書用爾爲丹青  
獄訟久衰息豈惟偃甲兵悽惻念誅求薄歛近休明  
乃知正人意不苟飛長纓涼颿振南岳之子寵若驚  
色沮金印大興含滄溟清我多長鄉病日夕思朝廷  
肺枯渴大甚漂泊公孫城呼兒具紙筆隱几臨軒楹  
作詩呻吟內墨淡字欹傾感彼危苦詞庶幾知者聽

元結春陵行一首

軍國多所須切責在有司有司臨郡縣刑法竟歛施

供給豈不憂微歛又可悲州小經亂亡遺人實困疲  
大卿無十家大族命單孺朝食是草根暮食走木皮  
出言氣歛絕言速行步遲追呼尚不恐况乃鞭朴之  
郵亭急傳符來往跡相追更無寬大恩大有迫促期  
欲令鬻兒女

杜甫悲陳陶一首

孟冬十郡良家子血作陳陶澤中水野曠天清無戰  
聲四萬義軍同日死羣胡歸來血洗箭仍唱胡歌飲  
都市都人回面向北啼日夜更望官軍至

杜甫悲青坂一首

吾軍青坂在東門天寒飲馬太白窟黃頭奚兒日向  
西數騎彎弓敢馳突山雪河水野蕭瑟青是烽烟白  
人骨焉得附書與我軍恐待明年莫倉卒

杜甫洗兵馬一首

中興諸將收山東捷書夜報清書同河廣傳聞一蒿  
過胡兒命在破竹中祗殘鄴城不日得獨任朔方無  
限功京師皆騎汗血馬田紘餒肉蒲萄宮已喜皇威  
清海岱常思仙仗過崆峒三年笛裏關山月萬國兵  
前草木風成王功大心轉小郭相謀深古未少司徒  
清鑒懸明鏡尚書氣與秋天杳二三豪俊爲時出整

頓乾坤濟時了東走無復憶鱸魚南飛覺有安枚鳥  
青春復隨冠冕入紫禁正耐烟花綺鶴駕通宵鳳輦  
備鷄鳴問寢龍樓曉攀龍附鳳勢莫當天下盡化爲  
侯王汝等豈知蒙帝力時來不得誇身強關中旣番  
蕭丞相幕下復用張子房張公一生江海客身長九  
尺鬚眉蒼微起適遇風雲會扶顛使知籌策長青袍  
白馬更何有後漢今周喜再昌寸地尺天皆入貢奇  
祥異瑞爭來送不知何國致白環復道諸山得銀甕  
隱士休歌紫芝曲詞人解撰河清頌田家望七惜雨  
乾布穀處處催春種淇上健兒歸莫懶城南思婦愁

多夢安得壯士挽天河淨洗甲兵長不用

杜甫青絲一首

青絲白馬誰家子蠟豪日逐風塵起不聞漢主放妃  
嬪近靜潼關掃蜂蟻殿前兵馬破汝時十月即為壘  
粉欺未如面縛歸金闕萬一皇恩下玉墀

杜甫近聞一首

近聞大戎遠遁逃牧馬不敢侵臨洮渭水逶迤白日  
靜隴山簫瑟秋雲高崆峒五原亦無事北庭數有閔  
中使似聞贊普求親舅甥和好難棄

杜甫漁陽一首

漁陽突騎猶精銳赫赫雍王都節制猛將飄然恐後  
時本朝不入非高計祿山北築雄武城舊防敗走歸  
其營繫書請問燕耆舊今日何須十萬兵

杜甫自平一首

自平宮中呂太一收珠南海千餘日近供生犀翡翠  
稀復恐征戍干戈密蠻溪豪族小動搖世封刺史非  
時朝蓬萊殿裏諸主將才如伏波不得驕

杜甫歲行晏一首

歲云暮矣多北風瀟湘洞庭白雲中漁父天寒網罟  
凍莫徃射鴈鳴桑弓去年米貴闕軍食今年米賤太

唐詩類苑 卷之六十一  
傷農高馬達官厭酒肉此輩杼軸茅茨空楚人重魚  
不重鳥汝休枉殺南飛鴻况復虜虜鬻男女割慈忍  
愛還租庸徃日用錢捉私鑄今許鉛錫和青銅刻泥  
為之最易得好惡不令長相蒙萬國城頭吹盡角此  
曲哀然何時終

杜甫蠶穀行一首

天下郡國向萬城無有一城無甲兵焉得鑄甲作農  
器一寸荒田牛得耕牛盡耕田蠶亦成不勞烈士淚  
滂沱男穀女絲行聞歌

杜甫折檻行一首

嗚呼房魏不復見秦王學士時難羨青襟胄子困泥  
塗白馬將軍若雷電千載少似朱雲人至今折檻空  
憐岫婁公不語宋公語尚憶先皇容直臣

杜甫天邊行一首

天邊老人歸未得日暮東臨大江哭隴右河源不種  
田胡騎羗兵入巴蜀洪濤滔天風拔木前飛秃鶯後  
鴻鵠九度附書向洛陽十年骨肉無消息

杜甫大麥行一首

大麥乾枯小麥黃婦女行泣夫走藏東至集壁西梁  
洋問誰腰鎌胡與羗豈無蜀兵三千人部領辛苦江

唐詩類苑卷之二十七人部  
九 崧齋題本  
山長安得如鳥有羽翅託身白雲歸故鄉

元結閔荒詩一首

煬皇嗣君位隋德滋昏幽日作及身禍以爲長世謀  
居常耻前王不思天子遊意欲出明堂便登浮海舟  
令行山川改功與玄造侔河淮可支合峰嶮生回溝  
封隕下澤中作山防逸流舡艦狀龍鷁苦負宮闕浮  
荒娛未央極始到滄海頭忽見海門山思作望海樓  
不知新都城已爲征戰丘當時有遺歌歌曲太冤愁  
四海非天獄何爲非天囚天囚正凶恐爲我萬姓讎  
人將引天鈇人將持天鏹所欲克其心相與絕悲憂

自得隋人歌每爲隋君羞欲歌當陽春似覺天下秋  
更歌曲未終如有怨氣浮柰何昏王心不覺此怨尤  
遂令壹夫唱四海忻提矛吾思古賢君其道常靜柔  
慈惠恐不足端和忘所求嗟七有隋氏僭七誰與儔

杜甫去秋行一首

去秋涪江木落時臂搶走馬誰家兒到今不知白骨  
處郢曲有去皆無歸遂州城中漢節在遂州城外巴  
人稀戰傷冤魂每夜哭空令野營猛士悲

杜甫光祿坂行一首

山行落日下絕壁西望千山萬山赤樹枝有鳥亂鳴

唐詩類苑 卷之六十七 人部 十一 杜詩類本  
時暝色無人獨歸客馬驚不憂深谷墜草動只怕長  
弓射安得更似開元中道路即今多擁隔

張謂代北州老翁答一首

負薪老翁住北州北望鄉閨生客愁自言老翁有三  
子兩人已向黃沙死如今小兒新長成明年聞道又  
徵兵定知此別必零落不及相隨同死生盡將田宅  
借隣伍且復伶俜去鄉土在生本求多子孫及有誰  
知更辛苦近傳天下尊武臣強兵直欲靜胡塵安邊  
自合有長策何必流離中國人

杜甫三絕句

前年渝州殺刺史今年開州殺刺史郡盜相隨劇虎  
狼食人更肯留妻子

二十一家同入蜀唯殘一人出駱谷自說二女嚙臂  
時迴頭却看秦雲哭

殿前兵馬鏖驍雄縱暴略與羗渾同聞道殺人漢水  
止婦女多在官軍中

杜甫收京三首

仙仗離卅極妖星照王除須為下殿走不可好樓居  
暫屈汾陽駕聊飛燕將書依然七廟畧更與萬方初

二

生意耳衰白天涯正寂寥忽聞哀痛詔又下聖明朝  
羽翼懷商老文思憶帝堯叨逢罪已日露洒望青霄

三

汗馬收宮闕秦城鏟賊壕賞雉歌杖杜歸及薦櫻桃  
雜虜橫戈數功臣甲第高萬方頻送喜無乃聖躬勞

杜甫收京一首

復追收京邑燕閑殺犬戎衣冠却扈從車馬已還宮  
剋復誠如此扶持在數公莫令回首地慟哭起悲風

杜甫遣憤一首

聞道花門將論功未盡歸自從收帝里誰復總戎機

蜂蠆終懷毒雷霆可震威莫令鞭血地再濕漢臣衣

杜甫西山三首

夷界荒山頂蕃州積雪邊築城依白帝轉粟上青天  
蜀將分旗鼓羗兵助鎗鋌西南背和好殺氣日相纏

二

辛苦三城戍長防萬里秋烟塵侵火井雨雪閉松州  
風動將軍幕天寒使者裘漫山賊營壘迴首得無憂

三

子弟猶深入閔城未解圍蠶崖鐵馬瘦灌口米船稀  
辯士安邊策元戎決勝威今朝鳥鵲喜欲報凱歌歸

唐詩類苑卷之八十七人部 十二 公孫維本

杜甫警急一首

才名舊楚將妙略擁兵機玉壘雖傳傲松州會鮮圍  
和親知計拙公主漫無歸青海今誰得西戎實飽飛

杜甫王命一首

漢北豺狼滿巴西道路難血埋諸將甲骨斷使臣鞍  
牢落新燒棧蒼茫舊築壇深懷喻蜀意慟哭望王官

杜甫征夫一首

十室幾人在千山空自多路衢唯見哭城市不聞歌  
漂梗無安地銜枚有荷戈軍官未通蜀吾道竟何如

杜甫有感五首

將帥蒙恩澤兵戈有歲年至今勞聖主何以報皇天  
白骨新交戰雲臺舊拓邊乘槎斷消息無處覓張騫

二

幽薊餘蛇豕乾坤尚虎狼諸侯春不貢使者日相望  
慎勿吞青海無勞問越裳大君先息戰歸馬華山陽

三

洛下舟車入天中貢賦均日聞紅粟腐寒待翠華春  
莫取金湯固長令宇宙新不過行儉德盜賊本王臣

四

丹桂風霜急青梧日夜彫由來強榦地未有不朝臣



受鉞親賢往卑宮制詔遙終依古封建豈獨聽簫韶  
五

胡滅人還亂兵殘將自疑登壇名絕假報主爾何遲  
領郡輒無色之官皆有詞願聞哀痛詔端拱問瘡痍

杜甫即事一首

聞道花門破和親事却非人憐漢公主生得渡河歸  
秋思拋雲髻腰支賸寶衣郡克猶索戰迴首意多違

杜甫歷七一首

歷七開元事分明在眼前無端賊盜起忽已歲時遷  
巫峽西江外秦城北斗邊為郎從白首卧病數秋天

杜甫洛陽一首

洛陽昔陷沒胡馬犯潼關天子初愁思都人慘別顏  
清笳去宮闕翠蓋出關山故老仍流涕龍髯幸再攀

杜甫驪山一首

驪山絕望幸花萼罷登臨地下無朝燭人間有賜金  
鼎湖龍去遠銀海鴈飛深萬歲蓬萊日長懸舊羽林

杜甫提封一首

提封漢天子萬國尚同心借問懸車守何如儉德臨  
時懲俊又入草竊犬羊侵願戒兵猶火恩加四海深

杜甫北風一首

北風破南極朱鳳日威垂洞庭秋欲雪鴻鴈將安歸  
十年殺氣盛六合人烟稀吾慕漢初老特清猶茹芝

杜甫客從一首

客從南溟來遺我泉客珠七中有隱字欲辨不成書  
緘之篋笥又以侯公家須開視化為血哀今微歛無

杜甫巴山一首

巴山遇中使云自峽城來盜賊還奔突乘輿恐未迴  
天寒邵伯樹地闊望仙臺狼狽風塵裏群臣安在哉

杜甫即事一首

天畔羣山孤草亭江中風浪雨冥冥壹斐白魚不受

釣三寸黃柑猶自青多病馬卿無日起窮途阮籍幾  
時醒未聞細柳散金甲賜斷秦州流濁涇

杜甫黃草一首

黃草峽西船不歸赤甲山下行人稀秦中驛使無消  
息蜀道兵戈有是非萬里秋風吹錦水誰家加淚濕  
羅衣莫愁劔閣終堪據聞道松州已被圍

唐詩類苑第六十七卷終

